

亥22

4-144

精校
張氏醫通

上海錦章書局
出版



張氏醫通卷七

大小府門

長洲石頑張
璐路玉父纂述

泄瀉

靈樞云。夫中熱消瘴。則便寒。寒中之屬。則便熱。胃中熱。則消穀。令人懸心善饑。臍以上皮熱。腸中熱。則出黃如糜。臍以下皮寒。胃中熱。則腹脹。腸中寒。則腸鳴飧泄。胃中寒。腸中熱。則脹而且泄。胃中熱。腸中寒。則疾饑。小腹痛脹。世醫治病。但知熱以寒治。寒以熱治。外此總不講也。設病中熱消瘴。而見懸心善饑。洵為熱證無疑。然必審其臍以上皮熱。方是胃中熱。氣壅隆。若出黃如糜。不但胃中有熱。而腸中亦為熱邪奔迫可知。倘臍以下皮寒。而見腹脹。有似乎實熱固結。實為胃中虛寒之候。或見腸鳴飧泄。非特胃中有寒。且移寒於二腸矣。蓋熱泄則腸垢黃赤。寒泄則鶩瀉清冷。此病機之最顯著者。可以明辨。況有脹而泄利黃赤。此脹為胃寒。陽氣不布之脹。泄為腸熱便垢之泄。復有消穀易饑。小腹痛脹之病。豈非胃中有熱。腸中有寒之一驗乎。若此種種。苟未明仲景三瀉心湯。黃連湯。乾薑黃芩黃連人參湯。厚朴生薑半夏甘草人參湯。乾薑人參半夏丸等法。必不可以語至治也。

經云。春傷於風。夏生飧泄。

乘風濕土之邪內

○邪氣留連。乃為洞泄。

邪氣留連既久則中氣
失職而為洞泄無度矣

○清氣在下則生飧泄。下焦虛寒

火不生土則中氣不
而為殄世食不化也

治○大腸小腸

屬於胃。胃脈虛則泄。二脈

者氣血之源而為泄瀉

○濕勝則濡泄。脾惡濕。勝則綿綿。

止而瀉無○諸般固泄

皆屬於下。
脾腎俱

虛則陽氣不能運於四
冷沉固而泄瀉清冷也

○暴注下迫皆屬於熱

暴泄而肛門逆不迫此屬火化
若暴泄而肛門逆不迫此屬火化

寒久泄而肚腹不禁又屬陽虛所謂暴泄非陽久泄非陰是也

○諸病水液澄澈清冷皆屬於

寒火氣炎上寒性濕下
澄澈清冷安得不為

寒加乎以

原病式曰瀉白為寒青為風黃赤黑皆為熱也大抵瀉利小便清白不澇穀不化而色不變者寒也穀雖不化而色變黃赤煩渴小便赤澇者熱證也寒泄而消化者未之有也或火性急速傳化失常穀雖不化而暴泄臭穢色黃者有之仲景云邪熱不殺穀以熱得濕則飧泄也

東垣曰。夏間淫雨陰晦。時行瀉利。予一日體重肢痛。泄利而小便閉澀。思其治法。必用淡滲以利之。今受寒濕之邪。若從淡滲。非暮年所宜。行年五十已上。降氣多而升氣少。得淡滲之劑。是降之又降。陽氣愈弱。精神愈短矣。合用風

藥以羌獨升柴甘防同煎所謂濕寒之勝以風平之又曰下者舉之是因曲而為之直也若不達升降之理而一槩施治安得愈乎李士材云內經之論泄瀉或言風或言濕或言熱或言寒此名四氣皆能為泄也又言清氣在下則生飧泄此名脾虛下陷之泄也統而論之脾土強者自能勝濕無濕則不泄故曰濕多成五泄若土虛不能制濕則風寒與熱皆得干之而為病治法有九一曰淡滲使濕從小便而去如農夫治潦導其下流雖處卑隘不憂巨浸經云治濕不利小便非其治也又云在下者引而竭之是也一曰升提氣屬於陽性本上升胃氣注迫輒爾下陷升柴羌葛之類鼓舞胃氣上騰則注下自止又如地土淖澤風之即乾故風藥多燥且濕為土病風能勝濕所謂下者舉之是也一曰清涼熱淫所至暴注下迫苦寒諸劑用滌燐蒸猶當滯暑鬱蒸之時而商飈颯然倏動則炎熱如失矣所謂熱者清之是也一曰疏利痰凝氣滯食積水停皆令人瀉隨證祛逐勿使稽留經云實者瀉之又云通因通用是也一曰甘緩瀉利不亡急而下趨愈趨愈下泄何由止甘能緩中善禁急速且稼穡作甘甘為土味所謂急者緩之是也一曰酸收瀉下有日則氣散而不收無能統攝注泄何時而已酸之一味能助收攝之權經云散者收之是也一曰燥脾土德無熱水邪不濫故瀉皆成於土濕濕皆本於脾虛倉廩得職水穀善分虛而不培濕淫轉甚經云虛者補之是也一曰溫腎腎主二便封藏之本雖屬水而真陽寓焉少火生氣火為土母此火一衰何以運行三焦熟腐水穀乎故腎虛者必挾寒脾虛者必補母經云寒者溫之是也一曰固澀注泄日久幽門道滑雖投溫補未克奏功須行澀劑則變化不恆揆度合節所謂滑者澀之是也已上九治治瀉之大法至於先後緩急之權豈能豫設須臨證之頃圓機靈變耳

戴復菴云瀉水而腹不痛者濕也升陽除濕湯或胃苓湯○飲食入胃輒後便完穀香氣虛也香砂六君子或枳實理中湯○腹痛瀉水腸鳴痛一陣瀉一陣者火也黃芩芍藥湯○疾留於肺大腸不固或時瀉或時不瀉或多或少或少者疾也脈必弦滑其人神色不瘁二陳加蒼朮木香或探吐之更佳○腹痛甚而不泄泄後痛減者食積也保和丸消導之○餐泄者史記名迴風水穀不化濕兼風也風邪干胃木來賊土清氣在下升陽除濕湯若飲食下噎而輒出不留者死○溇泄者污積黏垢濕兼熱也黃芩芍藥湯加香連○驚瀉者中寒糟粕不化色如鴨糞所以澄澈清冷小便清白濕兼寒也附子理中湯○洞泄者即名濡泄體重軟弱瀉下多水濕自盛也胃苓湯○水液去多甚而

轉經血枯故筋急也。升陽除濕湯。○滑泄者久下不能禁濕勝氣脫也。四柱飲不應。用六柱飲。○熱瀉。糞色赤黃。彈響作疾。糞前焦痛。糞出穀道。猶如湯熱。煩渴。小便不利。五苓散瀉水多者亦必用之。若去桂即不効。○寒瀉。腹脹泄注。食即嘔吐。理中湯加肉桂。訶子升麻。○食久窘迫。大便秘白。腸鳴切痛。脈沉遲身冷不渴。漫清。或綿綿腹痛。附子理中湯加肉果。○夏暑暴瀉如水。周身疼痛。汗出脈弱。少氣甚者加吐。此名緊病。漿水散。○或暑逼於外。陰冷伏於其中。非連理湯不可。氣虛而瀉。四君子加升柴肉果訶子。○傷食泄瀉。必噉氣如敗卵臭。保和丸虛者。治中湯加減。○積滯泄瀉。腹必絞痛。方泄者是也。平胃散加磨積藥。○傷酒瀉。葛花解醒湯。○痰瀉。則頭暈惡心。胸腹迷悶。或時瀉甚。或時不瀉。二陳湯加海石香附星香。連薑汁調神。麴糊丸服。○有人患早起泄瀉。或時有血。午後仍便結。糞能食善飲。此是酒積作瀉。二陳加泡薑酒炒川連紅麴陳酒麴糊丸。烏梅湯下。有血去半夏。加麴少許。晨夕各一服。○日間無事。將曉腹膨。一夜腸鳴。不得寬泰。次早洞泄。此名頓瀉。是脾虛濕盛也。胃苓湯加木香砂仁。虛者理苓湯加木香。○氣泄。腸鳴。失氣。胸膈痞悶。腹急而痛。瀉則腹下稍安。須臾又急。亦有腹急氣塞而不通者。此由中脘停滯。氣不流轉。水穀不分所致。木香調氣散。○水瀆入胃。名為溢飲。滑泄渴能飲水。水下復泄。泄而大渴。茯苓甘草湯。五苓散併灸大椎三五壯立已。乃腎脈之病也。○泄而口渴引飲。小便短澹。此為津液內亡。錢氏白朮散。○腎水不足之人患泄。或過服分利之劑而渴者。加減八味丸失治。必致小便不利。水腫脹滿等證成矣。○凡大便泄。服理中湯。小便不利。大便反泄。不知氣化之故。本肺不傳化。以純熱之藥治之。是以轉泄。少服則不止。多服則愈。熱所以不分。五苓散加人參炙甘草。名春澤湯。經云。膀胱者。州都之官。津液藏焉。氣化則能出矣。○瀉而腹熱。脈滑堅者。屬實。當與消導。不應是食積發熱也。加香連更不應加大黃微下之。○瀉而經年不止者。屬寒積。備急丸神効。○泄瀉惡心欲吐。或水土不伏。或感山嵐瘴氣而瀉。藿香正氣散。○脾胃虛弱。內挾風冷。泄瀉注下。水穀不化。臍下疔痛。腹中雷鳴。乃積寒久利。腸滑不禁。木香散若藥與食入口即瀉下者。名直腸瀉。難治。本方加人參白朮用伏龍肝湯煎服。○憂思太過。脾氣結而不能升舉。陷入下焦。而成泄瀉者。逍遙散去歸。加升麻木香。或越鞠枳朮相和服。不應用補中益氣加木香。○久瀉穀道不合。或脫肛。乃元氣下陷。大腸不行。收令而然。補中益氣加訶子肉果五味烏梅肉為丸。或四君子加防風升麻。○老人消運不及。而膨脹作瀉。九味資生丸加木香善飲者。加澤瀉肉桂。○凡瀉多因於濕。

分利小水為上。若老人氣虛下陷。又宜風藥以勝之。如補中益氣加羌防之類。或升陽除濕湯升舉脾胃。所謂下者舉之。濕寒之勝。以風平之是也。大瀉氣脫而不知人口眼俱閉。呼吸欲絕。急灸氣海穴。大進參附薑溫補之。稍遲即不可救。

五更瀉。是腎虛失其閉藏之職也。經曰。腎司開闔。腎開。數於二陰。可見腎不但治小便而大便之開闔皆腎操權也。今腎既衰。則命門之火熄。而水獨治。故令人水瀉不止。其瀉每在五更。天將明時。必洞泄二三次。以腎旺於亥子五更之時。故特甚也。惟八味丸以補其陰。則腎中之水火既濟。而開闔之權得宜。況命門之火旺則能生土而脾亦強矣。有用六味丸加沉香砂仁。以山藥末打糊代蜜為丸。以攝火歸源而愈者。有用六味丸加遠志益智。兼調脾腎而愈者。有用六味丸七分。雜二神丸三分。服之而愈者。有用五味子煎湯送四神丸者。有用二神丸加五味子山茱萸肉桂茴香。陳米飲糊為丸服者。亦有屬酒積食積者。蓋一日進取之物。至此時皆下大府而急奔也。但食積之瀉。其腹必脹滿。瀉後則頓減。瀉下皆是稀糞。酒積瀉下皆是稀沫。或有兼血積者。與腎瀉之純清水液迥乎不同也。審係何積。即以何積治之。

石頑曰。泄瀉諸治法頗詳。何獨不及虛損之泄瀉也。蓋腎藏真陰。虛則火邪勝。火邪上升。必傷肺而為欬逆。真陽虛則水邪勝。水氣內溢。必漬脾而為泄瀉。既嗽且泄。上下俱病。先後天之氣並傷。故虛損關捩全係乎此。余嘗用理中丸加五味子以治下泄。異功散加細辛以治上瀉。每每獲效。若服之作脹發熱者。終難挽回。不可以其效瀉俱緩輕許其治也。

診○內經云。脈細。皮寒。氣少。泄利前後。飲食不入。是謂五虛。死。其漿粥入胃。泄注止。則虛者活。泄而脈大者難治。大便赤辦。瀉泄脈小者手足寒。難已。瀉泄脈小。手足溫者易已。○脈經云。洩注脈緩。時小結者生。浮大數者死。又洞泄。食不化。脈微小。留連者生。緊急者死。脈滑按之虛者。必下利。腎脈小甚為洞泄。脾脈小為泄瀉。○仲景云。下利日十餘行。脈反實者死。腹鳴而滿。四肢清。診其脈洪大者死。腹大脹。四肢清。脫形。泄甚。不及一時而死。下則泄瀉。上則吐痰。皆不已為上下俱脫死。

滑伯仁治一人。年老色蒼。夏月與人爭辨。冒雨勞役受饑。且犯房事。夜半忽病發熱惡寒。上吐下瀉。昏悶煩躁。頭

身俱痛因自發汗汗遂不止脈皆洪數蓋吐瀉內盛汗多表虛兼之脈不為汗衰瀉減法在不治姑以大劑參耑兼白朮乾薑甘草茯苓陳皮水煎不時服至七劑見面赤四肢發出紅斑凡斑證自吐瀉者吉謂邪從上下出也但傷寒發斑胃熱所致今之發斑由胃虛而無根之火逆行於外可補不可泄可溫不可涼若用化斑升麻黑參之類則死生反掌矣仍服前方十餘劑而愈又治一人每日早起大瀉或時腹痛或不痛空心服熱藥不效令至晚食前服即效以煖藥一夜在腹可勝陰氣也與酒客濕泄服湯藥不效服丸散即效同意石頑治總戒陳孟廣瀉利腹脹作痛服黃芩白芍之類脹急愈甚其脈洪盛而數按之則濡氣口大三倍於人迺此濕熱傷脾胃之氣也與厚朴生薑甘草半夏人參湯二劑痛止脹減而瀉利未已與乾薑黃芩黃連人參湯二劑瀉利止而飲食不思與半夏瀉心湯二劑而安

痢

內經云賊風虛邪者陽受之飲食不節起居不時者陰受之陽受之則入六府陰受之則入五臟入六府則身熱不時卧上為喘呼入五臟則腹滿閉塞下為飧泄久為腸澼賊風不言實邪而言虛邪者以邪之所湊其氣必虛也設陽氣亢盛雖有賊邪莫能為害也起居不時者非特勞役失宜而飲食失節亦在其中矣陽受之則入六府者言六府之經氣受邪於外則營衛氣塞而身熱不時卧上為喘呼者邪併於氣之象也陰受之則入五臟者言五臟之神氣受傷於內則水穀不能克運留於腸胃而腹滿飧泄也久為腸澼者言藏氣久滯不能統運津液乃至移於二腸而為澼積崩迫此則陰氣受傷所致也

腸澼便血身熱則死寒則生 腸澼為腸胃受病不當更見表熱表熱則內外俱困陽無所依故云熱則死寒則生耳

腸澼下白沫脈沉則生浮則死 腸澼下白沫為寒氣不守反見脈浮中宮無主安得不死

腸澼下膿血脈懸絕則死滑大者生腸澼之屬身不熱脈不懸絕滑大者生弦澼者死以藏期之 懸絕弦澼皆氣血殆盡之脈故主死滑大為邪實可攻之象故主生

脾脈外鼓沉為腸澼久自己肝脈小緩為腸澼易治 脾脈外鼓沉言氣口脈盛而按之有力雖久可治肝脈緩小



謂人迎緩而不大無邪乘脾之候故易治

腎脈小搏沉為腸澼下血血溫身熱者死心肝澼亦下血二藏同病者可治其脈小沉澼為腸澼其身熱者死熱見七日死腎脈小搏沉而乏陽和之氣且見血溫身熱為真陰下脫故死心肝澼亦下血即前外鼓沉及小緩之脈證以脾為心之子心為肝之子故二藏同病者可治若見脈小沉澼為營血內竭加以血溫身熱不出七日必死也

腎移熱於脾傳為虛腸澼死不可治土衰不能制水先後天脾胃俱敗也

陰陽虛腸澼死陰虛則血溫身熱陽虛則支冷不食

泄而脫血脈實皆曰難治下脫而見脈實脈證相反純屬邪氣用事故為難治

仲景云夫六府氣絕於外者手足寒上氣腳縮五藏氣絕於內者利不禁下甚者手足不仁○下痢脈沉弦者下重

脈大者為未止脈微弱數者為欲自止雖發熱不死○下痢手足厥冷無脈者灸之不溫若脈不還反微喘者死少

陰負跌陽者為順也○下痢有微熱而渴脈弱者令自愈○下痢脈數有微熱汗出令自愈設脈緊為未解○下痢

脈數而渴者令自愈設不差必清膿血以有熱故也○下痢脈反弦發熱身汗者自愈○下痢氣者當利其小便○

下痢寸脈反浮數尺中自澀者必清膿血○下痢清穀不可攻其表汗出必脹滿○下痢脈沉而遲其人面少赤身

有微熱下痢清穀者必鬱冒汗出而解病人必微厥所以然者其面戴陽下虛故也○下痢後脈絕手足厥冷晬時

脈還手足溫者生脈不還者死○下痢腹脹滿身體疼痛者先溫其裏乃攻其表已上金○下痢脈滑而數有宿食

當下之○下痢不欲食者有宿食當下之○下痢而腹痛滿為寒實當下之○下痢腹中堅者當下之○下痢脈遲

緊為痛未欲止當溫之得冷者滿而便腸垢○下痢身軀疼痛急救裏諸溫之屬可與理中四逆附子湯熱藥急投

之美○下痢大孔痛者當溫之○下痢脈大浮弦下當已○下痢古黃燥而不渴胸中實下不止者死○下痢已瘥

至其年月日時復發者此為下不盡更下之愈風寒重者不可下下之後心下堅痛脈遲此為寒但當溫之脈沉緊

下之亦然脈大浮弦下之當已下痢脈浮大此為虛以強溫之故也設脈浮革者因爾腸鳴當溫之已上金○下痢

三部脈皆平按之心下堅者急下之宜大承氣湯○下痢脈遲而滑者實也痢未欲止急下之宜大承氣湯○下痢

脈反滑者當有所去下乃愈宜大承氣湯○下痢譫語者有燥屎也小承氣湯主之○下痢便膿血者桃花湯主之

○熱痢下重者。白頭翁湯主之。○下痢後更煩。按之心下濡者。為虛煩也。梔子豉湯主之。○下痢清穀。裏寒外熱。汗出而厥者。通脈四逆湯主之。○下痢肺痛。紫參湯主之。○氣痢。訶梨勒散主之。保命集云。膿血相雜。而脈浮大。慎不可以大黃下之。下之必死。謂氣下竭。而陽無所附也。凡陰陽不和。惟當分利陰陽。經云。暴泄非陽。久泄非陰。大便完穀下。有寒有熱。熱者脈疾。身多動。音聲響亮。暴注下迫。此陽也。寒者脈沉而細。身不動作。目睛不了了。飲食不下。鼻準息微者。薑附湯。若身重四肢不舉。尤附湯證也。

東垣云。飲食一傷。起居不時。損其胃氣。則上升清陽之氣反下降。而為飧泄。久則太陰傳少陰。而為腸澼。寒冷之物傷於中。腹滿而脹。傳為飧泄。宜溫熱以消導之。濕熱之物傷於中。而下膿血者。宜苦寒以疏利之。風邪下陷者。升舉之。濕氣內盛者。分利之。裏急者下之。後重者調之。腹痛者和之。洞泄腸鳴。脈細微者。溫之。收之。膿血稠粘。數至圓而不能便。脈洪大有力者。下之寒之。此治痢之大法也。

張介賓曰。腸澼一證。即今之所謂痢疾也。其所下者。或赤或白。或膿或血。有痛者。有不痛者。或裏急後重者。有嘔惡脹滿者。有噤口不食者。有寒熱往來者。雖其變態多端。然總不外乎表裏寒熱。而於虛實之辨。尤為切要。凡邪因表者。必有表證。但兼其表而行散之。表邪解則痢自愈。如無表證。則必由口腹。悉屬內傷。但傷於內者極多。因於表者。則間或有之。此內外之不可不辨也。以寒熱言之。則古以赤者為熱。白者為寒。至劉和問而非之曰。如赤白相兼者。豈寒熱俱甚於腸胃。而同為痢乎。至丹溪則因之曰。赤痢乃是小腸來。白痢乃是大腸來。皆濕熱為本。自二子之言出。則後世莫敢違之者。愚見則有不然。夫痢起夏秋。濕蒸熱鬱。本乎天也。因熱求涼。過吞生冷。由於人也。氣壯而傷於天者。鬱熱居多。氣弱而傷於人者。陰寒為甚。須知寒者必虛。熱者必實。更以虛實細詳之。而寒熱愈明矣。如頭疼身熱。筋骨痠痛者。實也。脹滿惡食。急痛拒按者。實也。煩渴引飲。喜冷畏熱者。熱也。脈強而實者。實也。脈數而滑者。熱也。外此則靡非虛寒矣。而相似之際。尤當審察。如以口渴為實熱似矣。不知凡係瀉痢。必亡津液。液亡於下。則津涸於上。安得不渴。更當以喜熱喜冷別虛實也。以腹痛為實熱似矣。不知痢出於內。腸胃必傷。膿血稠粘。安得不痛。更當以痛之緩急按之可否。藏之陰陽。腹之脹與不脹。脈之有力無力。分虛實也。以小便之黃赤短少為實熱似矣。不知水從痢去。漫必不長。漫以陰亡。溺因色變。更當以便之熱與不熱。液之涸與不涸。色之澤與不澤。分虛實也。以裏

急後重為實熱似矣。不知氣陷則倉廩不藏，陰亡則門戶不閉，更當以病之新久、質之強弱、脈之盛衰分虛實也。至於治法，須求何邪所傷，何藏受病，如因於濕熱者，去其濕熱，因於積滯者，去其積滯，因於氣者，調之，因於血者，和之。新感而實者，可通因通用，久病而虛者，可塞因塞用，皆是常法。獨怪世之病痢者，十有九虛，而醫之治痢，百無一補。氣本下陷，而再行其氣，後重不益甚乎？中本虛寒，而復攻其積，元氣不愈竭乎？濕熱傷血者，自宜調血，若過欲推蕩，血不轉傷乎？津亡作渴者，自宜止泄，若但與滲痢，津不轉耗乎？世有庸工，專守痛無補法，且曰：直待痛止方可補耳。不知因虛而痛者，愈攻則愈虛，愈痛矣。脈來微弱者可補，形色虛弱者可補，口腹素慎者可補，胸膈寬快者可補，病後而痢者可補，因攻而劇者可補。後重之可補者，陷則升而補之，熱則涼而補之，腹痛之可補者，消泄則瀉而補之，虛寒則溫而補之，然而尤有至要者，則在脾腎二藏。如瀉而後痢，脾傳腎為賊邪，難療。痢而後瀉，腎傳脾為微邪，易醫。是知腎為胃關，開竅於二陰，未有久痢而腎不損者，故治痢不知補腎，非其治也。凡四君子補中益氣皆補脾虛，若病在火乘土位，侮母，設非桂附大補命門，以復腎中之陽，以救脾家之母，則飲食何由而進，門戶何由而固，真元何因而復耶？若畏熱不前，僅以參朮補土，多致不起，大可傷已。

喻嘉言曰：內經云：下痢發熱者死。此論其常也。仲景云：下痢手足不逆冷，反發熱者不死。此論其暴也。蓋暴病有陽則生，無陽則死，故虛寒下痢，手足不逆冷，反發熱者，或其人藏中真陽未漓，或得溫補藥後，真陽隨返，皆是美徵。此但可收拾其陽，協和其陰。若慮其發熱，反如常法，行清解之藥，鮮有不殺人者矣。○金匱申下痢發汗之禁，謂下痢清穀不可攻表，汗出必脹滿，蓋以下痢一傷其津液，發汗再傷其津液，津液去則胃氣空，而下出之濁氣隨勢上入胃中，遂成脹滿，求其下痢，且不可得，豈非大戒乎？○傷寒厥痢發熱，與下痢發熱迥然不同。傷寒厥而且痢，為虛寒之極，所以反能食者則死，反發熱者不死。若痢證則能食者不死，發熱者多死也。

周慎齋曰：凡生病處皆為陰，為火為陽，氣不到，若陽氣所到之處，斷無生病之理。痢疾不發於夏而發於秋者，蓋夏時陽氣盡發於表，太陰主裏，濕土用事，純陰無陽，或過食生冷，積而不化，積久成熱，痢之所由起也。不發於夏者，無陽則陰不運，發於秋者，陽氣入裏，攻之使然也。治法宜以苦寒之藥，燥濕滌熱，佐以辛熱助陽，開鬱達氣，故曰：行血則便紅，自愈。調氣則後重自除。雖然，亦有虛實之辨，淺深之別，未可以槩治也。○心者血之主也，肺者氣之主也，凝

滯則傷氣鬱熱則傷血氣既病則心肺亦病矣而小腸者心之合也大腸者肺之合也二經皆出納水穀轉輸糟粕之官也而胃又為大小腸之總司肺移病於大腸則氣凝滯而成白痢心移病於小腸則血凝滯而成赤痢大小俱病則赤白互下胃土傳濕熱於大小腸者痢色兼黃如胃中先傷冷物以致胃寒不能遊溢精氣上輸於脾脾即不能散精以上歸於肺則津液留滯於胃即為胃家之積其證嘔逆惡心其狀色如桃膠而不臭右關脈沉細而緊宜用厚朴木香乾薑肉桂吳茱萸等虛人可用附子理中湯非大小腸積之可比也至於色之黑者分為二種如焦黑之黑者此熱極反兼勝己之化也黃芩芍藥湯下香連丸如漆黑之光者此瘀血凝久而然也桃核承氣湯丹溪謂仲景可下者悉以承氣下之大黃之寒其性善走佐以厚朴之溫善行滯氣緩以甘草之甘飲以湯液蕩滌腸胃滋潤輕快積行則止局方例用熱藥為主瀉藥為臣用之於下痢清白者猶可其裏急後重者皆屬於火又加以溫熱之藥非殺而何大凡熱痢仲景雖有用大承氣者然皆指傷寒熱邪傳裏致病非滯下之謂蓋大黃專攻濕熱在所必需芒硝專攻燥結滯下總有裏急後重其積滯已是下注故無復用芒硝之理若係寒積又須薑桂吳萸以溫之以寒積多屬於虛也至於通因通用原有兩法有酒蒸大黃有蠟丸已豆分析甚明況滯下多因寒滯鬱熱而成世俗恆用薑茶煎亦倍芽茶白倍生薑往往獲效豈可偏執為熱哉積有新舊之分舊積者氣血食痰所化也新積者舊積已去未幾而復生也然舊積宜下新積禁下其故何也蓋腸胃之熟腐水穀轉輸糟粕者皆營衛灑陳於六府之功今腸胃有邪則營衛運行之度為之阻滯不能施化故衛氣鬱而不舒營血滯而不行於是飲食結痰停於胃糟粕留於腸與氣鬱血滯之積相挾而成滯下矣必當下之以通其壅塞既下之後升降仍不行清濁仍不分則衛氣復鬱營血復滯又成新積焉可復下乎但理衛氣和營血以調順陰陽則升降合節積亦不滯而自化矣然舊積亦有不可下者或先因脾胃之虛不能轉輸其食積必當調補脾胃兼行氣之藥俾虛回而痢自止世俗治痢只守清熱破氣攻積涼血利水等法雖朝夕更疊出入增減不過如此已瀕於危猶曰血色依然腹痛未減誰敢溫補死無後悔傷哉○痢初起時便見膿血者宜調氣和血氣分藥必不可少若但見白膿宜調氣消積不可用血藥引邪入於血分必變膿血也○白痢初起裏急後重頻欲登圜及去而所下無多纔起而腹中復急皆濕熱凝滯所致胃苓湯加木香砂仁○血痢初起腹痛進迫或脈數大身有微熱者先與小建中湯和之中有肉桂伐肝和營最

捷。膿血稠黏勢甚不可遏者。黃芩芍藥延胡索木香砂仁腹痛少加肉桂以和之。血積稠厚可用黃連若略見少血或稀淡者不可使用苦寒戕犯胃氣為害不淺也。○凡血色紫黯。屢服涼藥而所下愈多。作冷痢治。故血色如豬肝如紫草如莧菜汁者。非泡薑不治。理中湯去參加肉桂木香肉果烏梅。○純下血而色鮮濃厚者。此心脾伏熱也。大黃黃連瀉心湯有食積枳朮丸加厚朴黃連木香延胡索赤痢初起宜加延胡。最散血積。小兒八歲已內者。作食積治。○風入腸胃。純下清血或濕毒下血。胃風湯加枳殼荊防。○風入腸胃。下痢青綠雜色神朮湯。○下痢腹痛異常脈沉而緊無熱證者。先以薑桂之類溫之。後理積滯。○裏急而致圓。反不能即出者。氣滯也。疏通為主。重則小承氣輕則黃芩芍藥湯。○裏急而頻見污衣者。氣脫也。補中益氣去當歸加木香。○濕熱下痢後重。升陽除濕湯。○虛滑而後重者。圍後不減。以得解愈。虛故也。養藏湯。○白痢初起。但腹痛後重不能食。小便却清利者。為虛寒二陳湯加泡薑焦朮厚朴木香砂仁。能滌除痰積。宜加用之。○後重本因邪壓大腸墜下。是以用大黃檳榔。輩此實也。若久痢後重不除。此脾氣下陷之故。宜升柴以升提之。檳榔枳殼皆當禁用。若肺氣鬱在大腸。腹痛後墜。理氣藥中須加桔梗以開之。亦有積已去。而過食厚味。生冷復重者。建脾兼消導為主。○痢如膠凍。或如鼻涕。或如魚腦。此為冷痢。先用木香焦朮豆蔻砂仁厚朴。次用理中湯加木香。不應更加訶子粟殼。○下痢脈連緊。腹痛未欲止。當溫消之。枳實理中湯。○下痢清白。手足厥冷。腹痛不已。附子理中湯。○積久冷痢。少腹痠痛。結滯不爽。及下久連年不止。千金溫脾湯。冷痢去甘草加桂心。倍香附人參熟朮去桂心加大黃一錢。薑附人參各減一錢。○久痢不癒。雖所下漸減而津血枯槁。肛門澀滯者。千金羊脂煎潤以導之。羊脂。本經專主下痢脫肛。腹中絞痛。而世罕知用。惜哉。○暴下積日久不止。千金附子湯。○久痢虛冷滑脫。脈細皮寒。少氣畏食不能言。或時發虛熱者。附子理中湯。加肉桂肉果訶子。○下痢臍下攪痛。桃花朮下痢久脫。虛冷白滯。大桃花湯。熟痢二三年不止者。厚朴湯。○久痢所食之物皆不化。四肢沉重。肌肉消盡。椒艾丸。○下痢發熱。自汗脈弦者。是伏邪所發。法當從表解散。倉廩湯。有一方長幼相染者。謂之時疫。痢亦宜倉廩湯。○一種陰虛痢疾。切戒攻積之藥。凡見痢下五色膿血稠黏。滑泄無度。發熱煩渴。臍下急痛。至夜轉劇而惡食。或下鮮血者。便屬陰虛。急宜救熱存陰為主。如駐車丸。阿膠丸。歸連丸。阿膠梅連丸。千金黃連湯。黃連阿膠湯。白頭翁加甘草阿膠湯等方選用。○下痢至夜發熱煩渴引飲。為津液受傷。內水虧竭。燎原之火自焚。不得。

不引外水以濟急。切不可用香燥之藥。錢氏白朮散加烏梅。○下痢失氣者。當利小便。陰氣前通則陽氣自化矣。五苓散加木香。痢仍不止。以訶子厚朴橘皮等分丸服。○下痢大孔痛。宜溫之。黃耆建中加木香當歸。○痢後大便秘瀉。裏急後重。數至圜而不能便。或少有白膿。此為氣虛下陷。慎勿利之。但舉其陽。則陰自降矣。補中益氣湯加防風。○下痢後裏急後重不除。風邪傷衛。衛氣不行也。非三奇散不愈。○蠱注毒痢。血如雞肝。心煩腹痛者。茜根丸虛人理中湯加黃連烏梅。不應用烏梅也。○下痢後遍身浮腫。五苓散用生朮肉桂加升柴。○利後虛浮。六君子加木香肉桂。○初利膿血稠黏。勢甚宜下者。一味大黃酒蒸為丸。亦多用溫酒下。百丸。白多用淡薑湯下。七十丸。以奪其勢。然後調理則易愈。○冷熱不調。下痢赤白。兼冷食食積者。連理湯加枳實砂仁。○下痢乾嘔。胃虛而寒。兼錯雜也。外臺黃芩湯。○先前白痢。後變膿血者。戊己丸。○先前白痢。後變鮮血者。四物湯去地黃。加泡薑炙甘草木香。○先前膿血後變赤白青黑。腹痛倍常者。駐車丸。○先前膿血後變白沫白膿者。補中益氣加泡薑赤石脂。○下利日百度。精神委頓。反不痛者。此邪氣勝。正氣微。不能鼓激也。難治。○有患痢晝夜不及數度。而反發熱。心下痞悶。不能食而嘔。其有晝夜不止百度。反脈靜身涼而能食。何也。曰。利之邪客於下焦。由橫連竟傳大腸。原無反熱之理。以中焦無病。雖下利無度。不礙飲食。惟邪發於中焦。由橫連入胃。以胃受病。自不欲食也。○凡風寒傷於營衛之中。則為瘧。飲食傷於腸胃之內。則為利。而世有瘧後痢。痢後瘧者。此則表氣不固。邪氣內犯而致也。若瘧邪發泄已盡。必無復為利疾。皆由元氣下陷。脾氣不能升舉。故風寒暑濕得以襲入而為利耳。又有利後似瘧非瘧。乃陰陽兩虛。陽虛則惡寒。陰虛則發熱。故寒熱交戰似瘧也。又有瘧利齊發。瘧止而痢甚者。皆是脾胃之氣虛陷所致。並宜先與黃耆建中。加木香厚朴之類。次與補中益氣。加薑桂。若服後痢減而瘧作。此陽氣得補而與陰爭也。再與補中益氣。少加桂附。助陽祛陰。則愈。○凡久痢年高。與產後病後諸瘡疽及瀉後作痢。慎不可用攻伐之劑。急宜醒脾崇土。補中益氣。加炮薑木香。有血加烏梅芍藥。○下痢六七日。經盡當有結糞。若至十三日再經結真不出者。此胃氣告匱也。慎不可更與攻剋之劑。惟培養正氣。庶有生機。○下痢以胃氣為本。胃失生長。故惡物而不欲食。但得思食。無分何物。與之遂獲愈者。此胃氣勝故也。○凡痢下如魚腦。或如猪肝。皆半死半生。下如塵腐色大孔開如竹筒不收者。或如屋漏水或純下鮮血。及如赤豆汁。脣如硃紅者。皆不可治。

石頑曰。腸澼之證。內經原有下血。下白沫。下膿血之異。推詳脈證。大抵以白沫屬寒。其脈應沉。膿血屬熱。脈應滑大。若見白沫而脈反浮。見膿血而脈反弦濇懸絕。為脈不應病。故皆主死。其扼要尤在身熱則死。寒則生。為大關。以腸胃受病。不當更見表熱。表熱則外內俱困。將何所恃。而與攻救邪。更詳藏府諸病。咸以脈沉小為可治。血溫身熱。主死。內經大義如此。再推仲景論痢。以身熱手足溫為陽回可治。厥逆不返。為陽絕主死。此蓋指傷寒陰證而言。不可與夏秋腸澼並列而論也。然下痢宜無身熱得生者。凡挾邪之痢。與時行疫痢。皆有身熱。但當先撤表邪。自然身涼痢止。當知內經所言血溫身熱。乃陰虛之本證。此則兼并客邪耳。及觀先輩論痢。並以白沫隸之虛寒。膿血隸之濕熱。至守真乃有赤白相兼者。宜寒熱俱甚於腸胃。而同為痢之說。丹溪從而和之。遂有赤痢從小腸來。白痢從大腸來。皆濕熱為患。此論一出。後世咸為痢皆屬熱。恣用苦寒攻之。蒙害至今。未已。即東垣之聖於脾胃者。猶言濕熱之物。傷於中。而下膿宜苦寒以疏利之。膿血稠黏。數至圓而不能便。脈洪大有力者下之。亦認定膿血為熱。昌如血色鮮紫濃厚者。信乎屬熱。若瘀晦稀淡。或如瑪瑙色者。為陽虛不能制陰而下。非溫理其氣。則血不清。理氣如爐冶分金。最為捷法。設不知此。概行疏利之法。使五液盡隨寒降而下。安望其有溫止之日哉。嘗見屢服黃連。虛陽迫外。而反發熱發斑者。亦有虛陽內擾。忽發除中。反驟能食者。有頻用大黃。開腸洞泄。甚至發呃吐蚘者。有大黃下噤。反脹閉不通。陰氣上逆。而變中滿鼓脹水腫者。凡此之類。未遑枚舉。夫天氣之熱。四時之正令也。因熱而恣傷冰水。瓜果。是逆其正氣。所藏為寒物所傷。而為患也。以逆正氣之病。又以逆病情之藥治之。何怪變證百出乎。雖是歲之熱。較他歲倍常。是以患腸澼者。較他歲亦倍常。其間總輕重不同。所見之積。一皆五色。良由五藏之氣化并傷。是以五色兼見。按五色痢。古人皆為腎病。以腎為藏精之室。所居之位。最下最深。深者既病。其淺而上者。安有不病之理。精室既傷。安能任蟄藏之令乎。仲景所謂五液注下。臍築揪痛。命將難全者是也。夫以精室受傷。五液不守之患。不知益火消陰。實脾隄水。兼分理其氣。使失於氣化之積。隨之而下。未失氣化之津。統之而安。即口噤不食者。亦不出乎此法。蓋腸澼之屬。皆緣傳化失職。津液受傷。而致奔迫無度。豈可恣行攻伐。以為不易之定法乎。歷觀時師治病。無高下賢愚。必用橘皮枳殼厚朴檳榔之屬。稍有赤漆。即用芩連芍藥。水道不利。便與木通車前。口噤不食。不出黃連石蓮。況世所謂石蓮者。皆粵中草實偽充。大苦大寒。與本草所言蓮子。墮淤泥中。經歲取出者迥異也。凡遇五色

噤口。及瘀晦清血諸痢。每用甘草乾薑。專理脾胃。肉桂茯苓。專伐腎邪。其効如鼓應桴。初起腹痛後重者。則兼木香檳榔。以泄之。飲食艱進者。則兼枳實焦朮。以運之。陰氣上逆。乾嘔不食者。則兼丁香。吳茱萸。以溫之。嘔吐涎水者。則兼橘半生薑。以豁之。膿血稠黏者。則兼茜根烏梅。以理之。水道不通者。則兼升柴。以舉之。身熱不除者。則兼桂枝芍藥。薑棗。以和之。陰虛至夜。發熱痛劇者。則兼熟地黃。香阿膠。歸芍。以濟之。若數日不已。而腹痛後重轉甚者。必須參朮。升柴。兼補而升之。久痢噤口不食。此胃氣告匱。最為危候。較之初起口噤。尚有濁氣可破。積沫可驅。迥乎不同。非大劑參朮。佐以茯苓甘草。藿香木香。煨薑根之屬。大補胃氣。兼行津液。不能開之。但得胃氣一轉。飲食稍進。便宜獨參湯。略加橘皮。或製香附。緩緩調補。兼疏滯氣。最為合劑。如茯苓之淡滲。木香之耗氣。薑根之行津。皆當屏除。即如久痢後重。用三奇散。取黃耆防風。以致開闔。枳殼以破滯氣。以為卓識。不羣然後重稍減。便當改用補中益氣。轉關妙用。全在乎此。若厚朴枳橘砂仁等。耗氣之藥。皆戈戟也。凡脈見弦細小弱。或六部沉小。皆當準此。間有脈來滑大。數實者。方可用芩連芍藥。澤瀉之屬。挾熱後重。煩渴者。當與白頭翁秦皮黃連白芍之類。誤用大黃。變成腫脹。若其人氣氣未倦。大劑人參。桂附散其濁陰。尚可救其一二。洞泄不止。服大劑參朮。不應。用養藏湯。亦不應。惟附子理中湯。調赤石脂末。間有得生者。即發呃吐。或尚有四逆。參附吳茱萸湯。乾薑黃芩黃連人參湯。烏梅丸等法。然非平日相信之真。縱有生機。亦勿許治。若至發斑發躁。久痢不食。忽發除中。從無救治之法也。嘗見痢久虛脫。六脈弦細。厥逆冷汗。煩渴躁擾。呃逆不宣。峻用理中四逆白通通脈之類。雖日進人參二三兩。服之非不暫安。脈來微續。手足漸溫。稀糜稍進。去後亦稀。三四日後。必然驟變。此根氣已絕。燈盡復明之兆。切勿因其暫安。輕許以治。徒為識者鄙笑耳。至於婦人臨產下痢。最為危殆。鄭氏有胎前下痢。產後不止七日必死之例。予嘗用甘草乾薑湯。加厚朴茯苓木香。治妊娠白痢。千金三物膠艾湯。治妊娠血痢。連理湯加膠艾。治赤白相兼之痢。駐車丸。千金黃連湯。白頭翁加甘草阿膠湯。胎前產後五色諸痢。皆可用。若胎前下痢。產後不止。勢莫挽回者。用伏龍肝湯。丸隨證加減。未嘗不隨手獲効也。世醫治痢。專守通因通用。痛無補法之例。不知因氣病而腸中切痛。非溫理其氣。則痛不止。因氣陷而濁氣下墜。非升舉其氣。則後重不除。因氣傷而津液崩脫。非調補其氣。則積不已。因陰虛而至夜微熱腹痛。非峻補其陰。則痢痛不息。世人見余用參朮薑桂溫補氣血之藥。以為可駭。更有用黃耆地黃滋陰膩滯之藥。益怪甚矣。且有

用石脂乾薑溫瀉固脫之藥。以為劫劑。而大誅之。不知內經中原有瀉因瀉用之法。蓋裏急後重。數至圉而不能便。非瀉而何。況因瀉而過用利氣。乃致滑脫不收。安得不用瀉以固之耶。更有不知調氣。但見下痢日久。便行止瀉。輕以粟穀訶子投之。閉其滯氣。迫痛愈加。愈劫愈甚。此與殺之無異也。

痢不納食。俗名噤口。如因邪留胃中。胃氣伏而不宣。脾氣因而瀉滯者。香連枳朴橘紅茯苓之屬。熱毒衝心。頭疼心煩。嘔而不食。手足溫煖者。甘草瀉心湯。去大棗易生薑。此證胃口有熱。不可用溫藥。若陽氣不足。宿食未消。噤而不食。枳實理中加砂仁陳皮木香豆蔻。或山查麴蘖之類。○肝乘脾者。戊己丸。加木香肉桂。○有水飲停聚者。心下必悸動不寧。五苓散加薑汁。○有大火氣衝者。黃連解毒湯。去黃柏加枳殼木香。○有胃虛挾熱而嘔逆者。連理湯。○有積穢太多。惡氣薰蒸者。大黃黃連瀉心湯加木香。○丹溪用人參川連石蓮子粳米薑汁煎湯。細細呷之神效。如吐再作。服之但得一呷。下咽便開。石蓮子真者絕無余常以藕汁煮熟。稍加糖霜頻服。兼進多年陳米稀糜。調其胃氣必效。此即石蓮之意也。○治噤口痢。多有黃連者。此正治濕熱之藥。苦而且降。不能開提。非胃虛所宜。不可輕用。大抵初痢噤口。為濕瘀胃口。故宜苦燥治之。若久痢口噤。則胃氣虛敗。即大劑獨參理中。恐難為力也。○久痢不止。諸藥不應。貧人無力服參者。烏梅大棗各數枚。煎服。屢效。

休息痢。○此證多因兜瀉太早。積熱未盡。加以調攝失宜。不能節食戒慾。所以時止時作。補中益氣。加肉果木香。吞駐車丸。亦有陰虛多大不能勝任。升柴木香白朮者。只用駐車丸。加人參肉桂烏梅之類。有積可加枳實炮黑查肉。有服補中益氣數服不應。反下鮮紫血塊者。此久風成飧泄。風氣通於肝。肝傷不能藏血也。三奇湯。倍防風加羌葛。升柴。其一切利水破氣藥。皆為切禁。

蛻蟲痢。○其證腹大。皮膚黃粗。循循戚戚。然得之於寒濕寒濕之氣。宛篤不發。化為蟲。此九蟲之一。其形極細。胃弱腸虛。則蛻蟲乘之。或癢。或從穀道中溢出。倉公以芫花一撮。主之。烏梅丸。黃連犀角散。亦主之。然蟲盡之後。即用六君子加犀角黃連。烏梅肉丸服。以補脾胃。兼清濕熱。庶不再發。若一味攻蟲。愈攻愈盛。漫無止期也。

痢後風。○因痢後不善調攝。或多行。或房勞。或感風寒。或受濕氣。致兩腳痿軟腫痛。用大防風湯。○痢後變成痛風。皆調攝失宜所致。補中益氣加羌活續斷虎骨。

痢後呃噦○此乃胃氣虛寒之極。最為惡候。急宜橘皮乾薑湯主之。○下痢而渴。誤食冷物水果而噦者。理中湯加丁香十五粒柿蒂五枚水煎熱服。兼寒熱往來者。小柴胡加丁香。血痢嘔噦而渴。心煩不得眠。小便不通者。猪苓湯。白痢嘔噦用五苓散。以中有肉桂可通逆氣也。

診○下痢白沫初起。脈小滑能食者易治。洪大急疾。四肢厥冷者難治。久痢脈微弱小細者。即愈數實或虛大無根者。危。下痢膿血。初起脈小滑。或弦軟。身不熱者易治。數實滑大而身熱者。勢雖甚。猶或可治。若先不熱。五六月後反發熱。脈大者必死。久則脈宜孔達虛細。不宜數盛滑實。或身熱不止。口噤不食者皆死。久痢脈結代。反驟能食。為除中者必死。大抵下痢之脈。初起雖實大不妨。六七日後最忌強盛。凡下痢脈浮身熱。作風治。脈沉身重。作濕治。下痢為腸胃病。雖頻逆而能食則吉。若噤口痢。初起脈數實可治。久痢而反不能食。脈見有餘者死。惟小弱流利者當作胃虛治之。

海藏治楊師慶大醉後。渴飲冷水。冰茶後病大便秘。鮮血甚多。先以吳茱萸溫藥。次與胃苓湯。血止後白痢。又與溫下藥四服乃止。或曰。何不用黃連之類以解毒。反用溫熱之劑。曰。血為寒所凝。漬入腸間而便下。得溫乃行。若用寒涼。即變證難療矣。汪石山治一婦。病痢半載餘。服四物香連愈劇。腹痛後重。欬嗽煩熱。脈皆細弱。而數以補中益氣去歸。加茯苓芍藥為散。日用米飲調下三次而安。吳茱萸山治一婦。長夏患痢。痛迫下。黃黑。曾服香需枳殼黃連愈劇。其脈兩尺緊瀋。此寒傷血也。問其由。乃行經時渴飲冷水一碗。遂得此證。與桃仁承氣加延胡索一服。次早下黑血升許。痛止。次用調脾活血之劑。而痊。此蓋經凝作痢。不可不察也。李士材治屯田孫侍御夫人。久痢不止。口乾發熱。飲食不進。猶服香連等藥。完穀不化。尚謂邪熱不殺穀。欲進苓連數日。不食。熱甚危。迨診之。脈大而數。按之極微。詢之。小便仍利。腹痛而喜手按。此火衰不能生土。內真寒而外假熱也。小便利則無熱可知。腹喜按則虛寒立辨。急進附子理中湯。待冷與服一劑。而痛止。連進二十餘劑。兼進八味丸而康。石頑治春榜項鳴先尊堂。下痢血色如莧汁。服消疳苦寒苓連大黃之類愈甚。不時發熱痞悶。六脈皆虛大。右關獨顯弦象。然按之則托。此氣虛不能統血之候。與補中益氣加泡薑肉桂四劑而安。又治郭某明之室。患五色痢。晝夜數十次。兼帶下如崩。誤服大黃黃連之屬十餘劑。遂隔塞不通。口噤不食者半月餘。至夜必大發熱躁渴。六脈弦細。

而疾。此足三陰俱虛之候。與理中加桂。苓朮香烏梅以調其胃。次與加減八味作湯。導其陰火而痊。刑部部中
申勗菴。高年久痢。色如莧汁。服苓連芍藥之類二十餘劑。漸加呃逆。乃甥王勤中。邀石頑往診。六脈弦細如絲。惟
急進辛溫峻補。庶合病情。遂疏理中。加丁香。肉桂。方。諸醫咸謂血痢。無用薑桂。人參之理。遂疑不敢服。仍啖苓連
芍藥。遷延五日。病愈甚。而驟然索粥。舉家及諸醫皆以能食為慶。復邀石頑相商。而脈至如循刀刃。此中氣告竭。
求救於食。除中證也。世人但知下痢能食為向愈。曷知其有除中之例乎。因表出以為後學之鑑。褚某水真堂
入秋久痢。口噤不食者半月餘。但飲開水及小蘇汁。嘔後必嘔。脹腸鳴絞痛不已。煩渴悶亂。至夜轉劇。所下皆膿
血。晝夜百餘次。小水涓滴不通。諸醫束手告辭。始邀石頑。切其六脈。皆弦細乏力。驗其積沫皆瘀。淡色晦。詢其所
服。皆苓連檳朴之類。因謂之曰。所見諸證俱逆。幸久痢脈弱。尚宜溫補。姑勒一方。用理中加桂。苓朮。調之。服後
小便即通。便得稍寐。三四日間。糜粥漸進。痢亦漸減。更與理中倍參。伏龍肝湯。泛丸調理而痊。又治同川春榜
陳穎。癰觸熱。錦旋抵家。即患河魚腹疾。半月已來。攻剋不効。遂噤口粒米不入。且因都門久食煤火。肩背發癰。不
赤不疼。陷伏不起。發呃神昏。勢日瀕危。內外醫科互相推委。因命揖相邀石頑就榻診之。六脈弦細欲絕。面有戴
之陽色。所下之物。瘀晦如爛魚腸。證雖危殆。幸脈無旺氣。氣無喘促。體無躁擾。可進溫補。但得補而癰腫斂。發
便可無虞。遂疏保元湯。每服人參三錢。生黃耆二錢。甘草肉桂各一錢。伏龍肝湯代水煎服。一啜而稀糜稍進。再
啜而後重稍輕。三啜而癰毒盡起。另延湯醫敷治其外。確守前方。服十餘服而安。前後未嘗更易一味也。一大
兵船上婦胎前下痢。產後三日不止。惡露不行。發熱喘脹。法在不救。有同道誤許可治。與藥一服。次早反加呃逆。
計無所施。乃同兵丁托言貨船。拉石頑往診。其脈三至一代。直以難治辭之。彼則留住前醫。不使上涯。方知其意。
原欲巧詭。恐余不往。故不明言其故。當此急迫之際。不與解圍。必致大傷體面。因謂之曰。此證雖危。尚有一線生
機。必從常計議。庶可圖治。彼聞是言。始放其醫抵家。而求藥於余。遂與益一枰錢數文。令買砂糖熬枯。白湯調服。
既可治痢。又能下瘀。且不傷犯元氣。急與服之。彼欣然而去。其醫得脫。閉戶挈家而遁。直至數日。大兵去後。甯家
即過我而謝曰。若非金蟬脫殼。不免為螳臂所執也。飛疇治朱元臣子。患五色痢。二十餘日。胸膈脹滿。而粥飲
不進。服藥罔效。別延兩醫診視。一用大黃。一用人參。元臣不能自主。因執治於予。予曰。用大黃者。因其脈滿。脈大